



Davidi: Uskoro sastanak na najvišem nivou

EU

## Ubrzati gradnju koridora 5C

► Zamjenik šefa Delegacije Evropske unije (EU) u BiH Renco Davidi (Renzo Daviddi) izjavio je da Unija podržava gradnju autoputeva u BiH i RS te da je posebno zainteresirana za ubrzanje gradnje koridora 5C, kao dijela transevropske mreže autoputeva, javlja Fena.

Davidi je najavio da će radi podrške ubrzanju gradnje koridora 5C, u Sarajevu, 16. novembra biti održan sastanak na najvišem nivou.

## Vijeće ministara BiH

### Špirić s direktoricom Svjetske banke za BiH

► Predsjedavajući Vijeća ministara BiH Nikola Špirić primić će danas u Sarajevu direktoricu Svjetske banke za BiH i regionalnu koordinatoricu za jugoistočnu Evropu Džejn Armitaž (Jane Armitage), saopćeno je iz Vijeća ministara BiH.

## Suđenje Šešelju

### Završne riječi 5. marta 2012.

► Iznošenje završnih riječi u postupku protiv Vojislava Šešelja počeo će 5. marta 2012. Objе strane u postupku pozvane su da dostave svoje završne pretresne podneske najkasnije do 5. februara naredne godine. Tužilaštvu i odbrani dodijeljeno je po deset sati za iznošenje završnih riječi. Eventualni zahtjevi tužilaštva za pobijanje argumenata odbrane i optuženoga da iznese repliku na pobijanje bit će razmotreni nakon iznošenja završnih riječi, saopćeno je jučer iz Haškog tribunala.

## Željeznice RS

### Ostvaren pomak nakon 20 dana

► Nakon više od 20 dana obustave željezničkog saobraćaja u RS predstavnici svih sindikata „Željeznica RS“ dogovorili su jučer da je potrebno izraditi novi kolektivni ugovor, javlja Fena.

Tim dokumentom trebale bi se ukloniti trenutne nepravilnosti prema kojima se određena zanimanja više vrednuju nego druga s istom stručnom spremom i odgovornošću.

Generalni direktor „Željeznica RS“ Dragan Savanović očekuje dogovor, jer prethodni kolektivni ugovor je poništen.

**ISTRAŽUJEMO** Nakon istrage protiv HDZ-a Hrvatske zbog korupcije

# Kada će bh. ratni profiteri u zatvor?

Mislim da je potrebno početi sankcionirati neke slučajeve, da vidimo nekoga u zatvoru, kažu iz „Transparency Internationala“


Aktivnosti istražnih organa Hrvatske u obračunu s kriminalom i korupcijom posljednjih su dana usmjerene i protiv samog državnog vrha, ali i protiv HDZ-a, stranke koja skoro 20 godina u kontinuitetu vlada tom državom.

## Kriminalna privatizacija

Kako pišu hrvatski mediji, informacije govore da će istražitelji Uręda za suzbijanje korupcije i organiziranog kriminaliteta (USKOK) još prije parlamentarnih izbora u Hrvatskoj podići optužnice protiv bivših i sadašnjih visokih dužnosnika HDZ-a Ive Sanadera, Ivana



Korajlić: Pokrenuti lavinu procesuiranja



Kosor i Sanader: Stranka i političari pod istragom

Jarnjaka, Mladena Barišića, Ratka Mačeka i Branka Bačića.

I ne samo to, pod istragom i blokadom je HDZ. Riječ je o istrazi o takozvanom crnom fondu ove stranke, nastalom izvlačenjem novca iz državnih preduzeća. Slične mutne radnje, nesumnjivo, godinama postoje i u našoj zemlji, o čemu je „Dnevni avaz“ u više navrata pisao. No, političke stranke koje u BiH vladaju, kao i HDZ u Hrvatskoj, također 20 go-

dina, bez sumnje snose odgovornost za kriminalnu privatizaciju, ali i pokroviteljstvo ratnog profiterstva koje je ekonomski uništilo državu.

Kako cijene analitičari, jednostavno su stvorile sistem u kojem pravosudne institucije nemaju političku podršku da se obračunaju s mutnim radnjama najviših državnih sistema.

## Postoje li nedodirljivi

Ivana Korajlić iz „Transparency Internationala“ kaže za naš list da u BiH ne postoji opredijeljenost vlasti da se pitanje kriminala i korupcije istraži na najvišem nivou.

- Ovdje se kod nas priča o privatizaciji pokreće samo u slučajevima neke prethodne vlade. Mislim da je potrebno početi sankcionirati neke slučajeve, da vidimo neko-

## Arapović: Političke elite čeka obračun

Političke elite u BiH, tvrdi projekt-menadžer Centara civilnih inicijativa (CCI) Adis Arapović, čeka neupitan obračun s kriminalom i korupcijom na najvišem nivou.

- Ono što se trenutno u BiH dešava demonstrira činjenicu da je pravosudni aparat još pod većim ili manjim pritiskom centara moći - kazao je Arapović.

**'Avaz' saznaje** Nakon Kalenderovog iskaza

## Koke se vratio iz SAD i prijavio policiji

Sarajevski pjevač Semir Cerić Koke prekinuo je iznenađeno prekinuo turneju po SAD i vratio se u Sarajevo. Razlog naprasnog povratka, kako saznajemo, jeste svjedočenje Isljama Kalendera o tome da je poznati pjevač prošle godine dojavio Zijadu Turkoviću dolazak Naser Keljendija na svadbu svog sina Elvisa u hotelu „Radon Plaza“.

Po Turkovićevom nalogu, u sali hotela gdje je održavana svadba trebala je biti postavljena eksplozivna naprava velike razorne moći.

Cerić se u ponedjeljak, odmah po slijetanju aviona na Sarajevski aerodrom, uputio u Federalnu upravu policije, gdje se raspitivao o svom položaju nakon Kalenderove izjave.



Semir Cerić Koke: Već saslušan

Zanimalo ga je da li je potrebno da daje izjavu i pruži dodatna objašnjenja, ali mu je odgovoreno da u ovom momentu da to nema potrebe, jer je pjevač tokom istrage već saslušan o spomenutom događaju.

Ako je i istina ono što je Kalender izjavio na suđenju zločinačkoj organizaciji, istražitelji su skloni povjerovati da sarajevski pjevač nije znao razloge zbog kojih je Zijad Turković tražio od njega da ga obavijesti o dolasku Naser Keljendija. Za njih je malo vjerovatno da bi bilo koja osoba koja je znala da će biti podmetnuta naprava velike razorne moći, pristala da bude na svadbi i očekuje eksploziju.

E. D. A.

## Gusta mreža transakcija

Nedavno objavljeno istraživanje „Dnevnog avaza“ otkrilo je da desetina miliona maraka novca poreznih obveznika koji se izmješta u paralelne tokove, zapravo održavaju glavne političke stranke na vlasti skoro dvije decenije. Iza izbornog legitimiteta stranaka kao što je SDA stoji, ustvari, velika, gusto isprepletena mreža finansijskih interesa, novčanih transakcija i mutnih donacija.

ga u zatvoru, kako bi se pokrenula lavina procesuiranja, kao u Hrvatskoj. Javnost treba vidjeti da nema nedodirljivih - kaže Korajlić.

Služaj HDZ-a u Hrvatskoj, tvrdi ona, može biti primjer i za BiH o tome kako se velike stranke finansiraju. Navodi da u BiH trenutno i sistem i zakoni pogoduju velikim političkim strankama da ne budu sankcionirane.

- Kada pogledate da najveća kazna za političke stranke iznosi 10.000 KM, onda postaje jasno zašto se trenutno ne nalazimo u situaciji da se pokrene istraga protiv neke od stranaka. Kod nas isplivaju na površinu afere u trenutku kada to nekome odgovara. Uglavnom su u pitanju međusobni politički obračuni, obično kada određena osoba ili grupa ljudi postanu nepoželjni te ih na neki način treba ukloniti s političke scene - navodi Korajlić.

A. DUČIĆ

Nastavak suđenja Turkovićevoj grupi

## Bivši članovi danas svjedoče o ubistvima i skrivanju tijela

Nakon trodnevnog saslušanja svjedoka pokajnika Isljama Kalendera suđenje zločinačkoj kriminalnoj grupi Zijada Turkovića danas će biti nastavljeno saslušanjem Danijela Planinčića i Dragiša Rajaka, koji su s Tužilaštvom BiH potpisali sporazum o priznanju krivice.

Planinčić je osuđen na šest godina i šest mjeseci jer je djelovanjem s drugim pripadnicima Turkovićeve grupe učestvovao u organiziranju i ubistvu tri osobe. On je priznao da je učestvovao u prikrivanju tragova nakon ubistva bivšeg pripadnika grupe Rajka Milovanovića u Janji kod Bijeljine. Milovanović je po Turkovićevom nalogu učestvovao u pokušaju ubistva nekoliko osoba.



Planinčić: Zakopao Milovanovića

Planinčić, koji je pristao svjedočiti protiv grupe, učestvovao je i u prebacivanju i ukopavanju tijela Marija Tolića i Vernera Ajdarija. U skrivanju ovih tijela na Ivan-sledu učestvovao je i Dragiša Rajak, koji je također sporazumno priznao krivicu i pristao na kaznu zatvora u trajanju od dvije godine. B. C.